

弇州山人四部稿卷之四十七

吳郡王世貞元美著

詩部

七言絕句一百三十首

殿前曲二首

磁垣鐵甲散晨光
香篆微芳金鳳皇
武帳日遲風自捲
君王昨夜幸昭陽

其二

澄夜焚香叩寶壇
雲璈鳳管簇回鑾
月明千片芙蓉影
蟬鬢涼生七葉冠

莫愁樂

細娘家在大江頭總爲工歡字莫愁月明低按關山
曲何處行人不淚流

平陽伎

楊柳堤邊控紫騮葡萄新錦費纏頭春燈徧照平陽
舞不信流黃一段愁

其二

玉爲歌管簇雕欄錦作蓮花捧翠盤一片新粧鵲月
色萬行瓊樹雪中看

閨怨三首

空成甲第與雲齊
海燕無人不肯棲
隔巷長干春十
五銀箏偏喚一行啼

其二

聞道邊關樂事多
前庭蹋鞠後庭歌
不知刁斗聲中
月曾照流黃錦上梭

其三

三殿論功拜徹侯
平陽歌舞一時收
無端却是刁環
月更遣文君賦白頭

西宮怨二首

露井香生百合開
夜深明月在青苔
春風自怨成徒

鎖那有西宮玉輦來

其二

點點蓮花漏未央
乍寒如水透羅裳
誰憐金井梧桐
露一夜鴛鴦瓦上霜

小伊州

頻年轉戰未封侯
還逐高陽酒伴游
醉後祇今愁出
塞雙鬟又唱小伊州

西興詞

留君無計恨匆匆
盡酒停杯曲未終
船到西興潮已
落明朝還起石尤風

青樓怨

輕風細剪越羅寒紅淚徐傾蠟鳳殘一曲停箏還自
語不知春思爲誰彈

青樓曲二首

馳道高驂赤電飛橫擔蜀錦闔雞歸新豐酒薄人難
醉夜半猶歌金縷衣

其二

姊妹爭誇夫婿殊衆中單道不曾輸千兵隊裏明金
紫腰下寒光玉轆轤

從軍行八首

蹋臂歸來六博場城中白羽募征羌相逢試解吳鉤
看已是金河萬里霜

其二

馬首垂楊折送行酒闌長揖寶刀橫軍中最是多兒
弟不唱陽關第四聲

其三

朝來分隸李輕車揖客轅門意自如超距翹關三十
萬何人領象豹韜書

其四

夜深鄰帳送胡笳三月春寒雪作花吹盡關山楊柳

曲壯心元自不思家

其五

奇兵十萬擊匈奴
谷蠡屠耆未擬俘
對陣奪將金勒馬
獨身生致北單于

其六

蹀馬吹塵紫極昏
洗刀飛血九河渾
長城直拓三千里
表取陰山作北門

其七

胡姬學得漢宮眉
辛苦風塵損玉肌
不爲青春容易改
十年番地失馬支

其八

鐵騎橫驅瀚海塵
戈船直擣瘴天春
不知南北功多少
羞作麒麟第二人

橫江詞四首

越女紅粧隱畫桡
驚波無際雪山搖
貪趨破鏡西陵約
不怕風江八月潮

其二

江上檀郎來往頻
婆娑妙舞賽江神
來時風水隨船尾
欲往鷺濤好涉旬

其三

錦纜羅帆翡翠舸長年催趁午時潮江頭楊柳深相
恨折損春風幾萬條

其四

青江一線日邊開萬古東流去不迴聞道海波穿地
底可能還向磧西來

甘泉歌

千尺通星井幹樓玉盤天酒夜來收白茅螭捧黃金
印五利明朝欲拜侯

秋宮曲

桂宮飄粟御筵香銀漏初添恩正長唱罷涼州天似

水百花僊隊按霓裳

春宮曲

十二珠簾帖絳紗山香一曲駐飛花
當筵拜領葡萄酒纖月雙彎襯臉霞

涼州曲

玉門春色勝臨洮敕使東來賜錦袍
聞道酒泉香似酒不煩銀甕貯葡萄

其二

千帳奚王作外臣射雕歸暮管絃新
咲來杯酒稱元弟曾見沙場百戰人

採蓮曲

千枝婀娜媚朝陽
風汎紅衣露碧房
疑是吳王開水殿
酒深初散越姬粧

楊柳枝

西蜀竹枝君莫聽
且聽東吳楊柳枝
是處春陰堪畫舫
何村樹杪不青旗

其二

楊柳吳閭千萬枝
橫塘風綰麴塵絲
不緣游子無攀折
總爲情人少別離

其三

飛花欲捲翠蛾顰浪打萍飄惱殺人猶勝洛陽東陌
上北風吹作馬蹄塵

其四

十月寒輕葉未凋淡黃踈綠短長條無情有態堪憐
處白脚雲頭雨半腰

浪淘沙

晴沙萬疊倚江開不斷銀山滾滾來片晌只疑隨浪
去千秋長自錦成堆

其二

潮來銀海欲連天潮落平沙故宛然得似古查能貫

月一年一度女牛邊

蘇幕遮

碧甍朱甍紫金瞳
翕日瀆波倒射空
不爲眩師偏作
眩大家元住化人宮

其二

魚龍曼衍戲如神
齧隊金牌色色新
珠簾不動天須
肅始信支那有聖人

弘治宮詞十二首

甲帳銀燈夜未央
漸看鴛鴦有寒霜
三千粉黛渾如
掃聖主重幡日講章

其二

南海珠池貢已稀
西川又罷錦文機
朝來御服三經
澣賤妄寧希曳地衣

其三

禁苑先朝紅藥臺
御筵親爲兩宮開
莫嫌宮監希
恩賞玉輦何曾更一來

其四

午槐圓影覆彤除
今日

天顏喜氣舒
穩坐御床無

一語但稱難得老
尚書

其五

五月鯁魚白似銀傳餐頗及後宮人躊躇欲罷水
逝太廟年年有薦新

其六

黃帕朱奩覆御羞手題頒賜壽寧侯昆明督亢從渠
請今日臺官在殿頭

其七

琵琶雙鵠暗凝塵玉指生疎調未勻自是經年無曲
宴不愁供奉數中人

其八

御前黃蓋進羹湯玉筋頻停不肯嘗應是司農開水

早覺眉時讀兩三行

其九

靜數蓮籌第五更寒鴉金井未分明披衣欲坐猶疑
早前殿連傳警蹕聲

其十

雪乳氷糖巧簇新坤寧尚食奉慈綸祈年好在齋宮
宿莫遣羊車別院頻

其十一

掖庭愁閉自年年今日承恩雨露邊又是鋪宮新例
薄空勞必貯積金錢